

續行水金鑑卷第一百十五

運河水 章牘四十三

嘉慶十五年六月十二日奉

上諭松筠等奏南漕計日全可渡黃並幫船行走情形
近日漕船渡黃者連前共八十九幫未渡九幫想旬內
亦可渡竣不誤期限松筠於全漕渡黃後即回江寧辦
理地方事務並將交審案件早為審辦吳璣等即將王
營減壩惠濟正閘海口各要工於漕船未回空之先趕
緊興辦不可觀望再有遲逾致干咎戾

南河成案續編

是月十七日吳璣徐端奏邳宿桃清運中河境內於
初八九等日上游蒙沂山水陡發驟長八九尺不等

續行水金鑑卷百十五

運河水 一

當將各閘越壩啟放並將中河運口楊莊各壩拆展
以平溜勢中河清汛二堡迤下因來水過驟絳隄漫
塌六丈幸大隄培築高厚抵禦無虞未淹田廬現在
漕船經行尚無妨礙俟水勢稍落即行補還再淮安
三鋪所存口門僅寬三丈臣等於漕船過竣時正在
堵閉適據淮安府胡克家稟壩下水已歸槽與閘洞
無異民間正在需水插秧該民籲請緩堵以資灌溉
臣等查該壩口門內既有二壩擊托復恐塘寬進水
急溜又於大二兩壩中間添築橫壩兩道益資收束
甚為穩固且湖水正旺是以暫畱宣洩俾利農田

河南

成案
續編

是月奉

上諭恩長奏酌籌疏濬漳衛河經行要口以資濟運一摺據稱內黃縣爲漳衛兩河經過口門向因漳水挾沙壅滯豫省有漕州縣及長蘆商人略加挑挖未能寬深次年漲水仍不能容納擬於春秋兩季大加疏濬等語漳水近來形勢北高南下入衛故道旣難歸復而兩岸俱係浮沙又非築隄所能堵禦且河道絲亘數百里淤墊日高卽耗資數十萬築壩挑溝亦不能卽收實效殊於蘆鹽豫漕有礙著照所請卽於內黃縣之南豆公北豆公一帶口門遴委熟諳工程之員於每年春秋兩季妥協經理務使工歸實用毋任浮冒所有挑費銀八千

續行水金鑑卷百五

運河水 二

餘兩著卽著落豫省有漕州縣並長蘆鹽商分爲鹽六漕四攤捐辦理

皇帝聖訓

七月二十二日吳璣徐端奏清江浦地本低窪向於玉帶河南隄設有涵洞宣洩積潦由文渠溝歸護城河下注白馬湖因嘉慶十年冬修清江閘啟放五孔橋雲曇壩口攔河兩草壩由玉帶河行船遂將文渠溝堵塞其護城河復因十三年各路漫水沙淤清江浦積水無從宣洩民間被淹本年四月奏明派員將護城河疏挑迨重運漕船過竣卽將五孔橋口門堵閉委清河縣將文渠溝照舊挑通令裏河同知將玉帶河尾雲曇口舊金門築壩堵閉以便洩乾玉帶河

底水再洩清江浦積水緣清江浦自六月後霖雨幾及一月致積水日增街市水深數尺官民廨舍半在水中居民叩請疏消邑令目覩情形急圖宣放因臣等在河口未及稟知於七月初十日雲曇壩堵後卽將玉帶河南隄剗成溝槽四尺以冀洩乾底水不期是日陡起狂風雷雨猛烈雲曇口新築攔水壩後戩尙未澆作猝遇風浪撞掣十一日子刻將壩身掣通風雨昏黑官弁人夫不能措手遂蟄塌十六丈所過之水由所剗溝槽下注臣等聞報馳往督令趕緊裹護撥料集夫親督該道葉觀潮遊擊陳岱率領該廳縣等於十二日捆埽進占鑲築水深三丈八九尺於

二十日堵閉連夜追壓至二十一日斷流閉氣正壩邊埽及壩後澆戩俱一律穩固其正河陡落時淺阻處所當經抽溝順流東注船隻照舊暢行所洩之水由文渠溝護城河下注白馬湖雖有河路可循附近民少漫水僅深二三尺但猝經被水應量加撫卹臣等及各道府捐給饘餅散放督臣松筠捐廉委員散給貧民並飭該府縣查辦仍俟玉帶河底洩乾再宣放清江浦積水以免市舍淹浸此次因籌放積水風雨驟至攔水草壩掣塌與大隄漫溢不同所有河營參將劉重勣估海口引河淮揚遊擊陳岱堵閉河口禦黃壩均未在工其餘該管知府及文武汛員不在

該處辦工者自未便照疎防例參處惟該廳陳式平承辦攔水壩工未能趕緊澆戩竭力防護責有攸歸該縣羅翻遠未查該壩是否澆戩穩固祇知以宣放積潦爲急殊屬率忽現在壩工所用錢糧不准開銷著令該同知分賠十之七該縣分賠十之三予限完繳仍將陳式平撤回請革去前加同知銜仍以通判効力其辦工守備千總効目兵役人等現已分別撤回責革另行咨部臣吳璫徐端未及查察周密咎所難辭淮揚道葉觀潮雖亦在河口督辦工程但係該管道員亦咎有應得仰懇

天恩一併交部議處再臣等因察看該壩旬日內卽可趕緊完竣是以於堵閉後具奏奉

上諭吳璫等奏本年六月清江浦地方久雨積潦署清河縣知縣羅翻遠急圖疏消將玉帶河南隄剷成溝槽以期洩乾底水惟時猝雨暴風署裏河同知陳式平所築雲曇口壩後戩尙未澆築致風浪撞擊掣通壩身蟄塌十六丈吳璫等聞報馳往督率道將廳縣趕緊鑲築堵閉斷流所有堵築此項缺口應用錢糧不准開銷著落署同知陳式平署知縣羅翻遠分賠並將陳式平撤回革去前加同知銜仍以通判効力其辦工之備弁兵役等分別撤回責革示懲吳璫徐端淮揚道葉觀潮俱著交部議處至該處正河陡落時間有被水居民雖經

松筠吳璫等捐貲撫卹仍著該督等詳查如應行加恩

處據實具奏不可諱飾

南河成案續編

是月二十八日許兆椿奏邳宿運河地勢建瓴水難停蓄必得處處擊托始免淤淺向來邳州設有河成河定河清三閘以資啟閉水大開放通槽水小按塘遞上不致延阻惟是河成閘至宿遷桃源交界並無閘座水勢直瀉往往停淤是以乾隆五十年復至河成閘以南添設四閘內邳境設滙澤一閘宿境設利運亨濟滌流三閘嗣因豐工曹工漫水下注四閘淤成平陸漕船由越河行走水無攔蓄宿遷以上沙墊舟停遂逐段趕築草壩鉗束方能挽運而此深彼淺

續行水金鑑卷百五

運河水五

臨時殊費周章臣思每年河口既須剝渡耽延迨至邳宿又有阻滯不特旗丁多費且重運抵通一遲回空卽不能迅速查邳境滙澤一閘先於嘉慶八年冬經河臣吳璫挑復幫船由閘打放現與河成閘上啟下閉互相節宣甚爲得力所有宿遷境內三閘除滌流一閘業已續挑通舟尙有利運亨濟二閘察看形勢亨濟閘在宿遷關以下水勢平衍尙非扼要惟利運閘直接審灣一帶古淺如能一律挑通將越河堵塞使軍船由正閘挽放則下有啟閉上游審灣各淺處自可浮送裕如且該閘距滙澤閘四十里設遇水小與滙澤遞相啟閉較草壩擊托更爲有益仰懇

天恩勅下江南河臣於回空過竣委員估挑併將滌流河成兩閘閘底閘牆修理實於運河有濟再有請者邳宿一帶古淺較多糧艘必須起剝前進本年六月初旬澍雨應時各處山源下注是以江廣笨重船隻並未剝淺省費甚多軍弁同聲感頌惟上游水發之期難定若非從長籌計設遇淤淺於運河多阻查宿遷駱馬湖上承沂蒙諸泉滙注下由六塘河遞達入海每年將尾閘啟閉收水濟漕由柳園頭王家溝乾車頭竹簍壩各口門分別船身輕重河道深淺開放入運立法最善先於乾隆五十年經大學士公阿桂奏明禁止湖灘開墾借名升科免致水道壅塞近因

續行水金鑑卷百五

運河水

六

日久玩生尾閘堵閉既未如期湖水收蓄卽難如制各處濟運引渠因之淤高水難分達每年啟堵徒費錢糧於濟運不能有益至湖中淤墊之區向禁耕作者若聽無業民人或附近居民築場佔種將來羣起效尤日占日多必致全湖盡行私墾於蓄水利運尤有關係可否一併

勅下督河諸臣委明幹大員妥爲清理申明開墾例禁嚴定濟運章程如果駱馬湖存水充盈非但宿遷境內陸家墩古城溜各淺處可期無患卽邳州境內如河成閘窰灣上下得此水源擎托不致直瀉無遺於

長河事機均有裨益

南河成案續編

八月初七日奉

上諭據許兆椿奏邳宿運河河成閘以南舊設滙澤利運亨濟滌流四閘隨時啟閉以濟漕運嗣因漫水淤成平陸越河行走多阻除滙澤滌流二閘挑復外亨濟閘地勢平行尙非扼要其利運閘請一律挑通等語運河設閘互爲節宣今許兆椿請挑復利運閘較之船由越河行走但資草壩擎托蓄水自爲得力著該管河督卽委員查勘如必應挑復卽於本年回空糧船過竣後趕緊興挑其滌流河成二閘閘底閘牆有應修之處亦著及時修理又奏稱駱馬湖濟運引渠日漸淤高請嚴禁私墾駱馬湖蓄水濟漕爲邳宿運河扼要機宜豈可任

續行水金鑑卷二百五

運河水 七

其淤墊著該河督會同該督撫派委明幹大員妥爲清理其墾種已久無礙河渠者仍循其舊如有私墾湖灘致妨水道者申明定例嚴行禁止其堵閉尾閘及收蓄泉水悉依定制辦理庶於通漕利運之道不致有名無

實也

南河成案續編

是月二十六日徐端奏臣奉

上諭

己恭載初七日

欽此查邳宿運河上承東省八閘地勢建

瓴河流易洩乾隆五十年前河臣李奉翰等於河成三閘外添利運亨濟二閘嗣因邳汛以下河道繇長難資擎蓄復於五十二年添建滙澤滌流二閘節節擎束以上四閘建時正值漕船盛行所有利運亨濟

兩閘係奏明另挑新河建閘卽以舊河爲越河其滙澤潑流兩閘則先挑越河行船就正河建閘迨各閘成後遇水小則按塘啟閉一經水長漕船憚於打閘由越河行走而亨濟閘地勢平行未能得力不久旋廢嗣因豐工曹工漫水下注各閘門淤墊嘉慶八年前河臣吳璈先將滙澤閘挑通十年臣奏將潑流閘修復加高年來漕船皆由正閘行走惟利運閘地勢高亢原挑閘河土性砂礪不能衝刷閘門上下並無荷包塘漕船偃窩打放維艱乾隆五十七年後重空漕船往來悉由以正作越之舊河行走是以該閘未復今漕臣奏將利運閘挑復則該閘以上之審灣古

淺可資擎托自屬正辦未便以丁舵憚於打放因噎廢食臣現飭徐州道張鼎勘估將閘塘河身大加挑展寬深並築壩堵截越河於本年回空過竣趕辦及時修復以資啟閉至潑流閘修復未久間有灰漿脫落仍令原辦人員粘補河成閘東閘因偏近越河連年山水下注猛驟將閘後尾土衝塌閘牆壁立堪虞本年春臣同吳璈飭徐州道勘籌改向東首數十丈另挑越河並將閘牆後身填土夯築以臻完固臣現亦併飭徐州道覆勘如閘牆有應修砌處卽確估工料趕緊修砌統容臣核實土方料物工價銀數另行具奏再宿遷駱馬湖每年秋冬瀦蓄次年由王柳二

閘及乾車頭竹篾壩口門啟放入運僅濟宿遷以下
運河其邳汛上游不得其利定制存水至一丈九尺
外將湖之尾閘五壩啟放由六塘河歸海以洩盛漲
歷年循照辦理乾隆五十年前大學士阿桂會同前
督臣薩載勘奏該湖存水較小涸出灘地甚多附近
居民於湖內私種莊稼恐一經開墾習以爲常遇湖
水漲發轉慮淹田漸致盜決隄堰嗣後請禁止耕種
不准借名升科侵佔近年臣等隨時查察雖無盜決
隄堰之事惟每年大雨時行蒙沂山泉挾沙而來加
以豐工曹工黃河節次漫水下注沙淤停積王柳二
閘下引河已多淤淺現惟乾車頭過水通暢今昔情

續行水金鑑卷百十五

運河水 九

形不同須確加履勘其湖內灘地或有無業貧民任
意墾種均未可定臣現錄

諭旨咨會督臣松筠撫臣章煦委明幹大員詳細查勘
妥爲清理不任有妨水道仍俟海口工竣臣往覆勘
議定蓄水章程奏請

聖旨遵行先飭徐州道將通湖各引河估挑以收濟運

之益

南河成
案續編

九月初八日徐端奏臣於海口工次接據徐州道張
鼎臬本年回空首幫漕船淮安三幫軍船於八月二
十八日已挽入黃林莊境臣飛飭邳宿沿河催漕各
員速催渡黃茲據報九月初五日淮安二幫及大河

前揚州二等幫俱渡黃進口查上年回空首幫係八月初六日入境十七日渡黃本年回空渡黃日期雖較上年皆遲現在東省閘內水既充足邳宿運河一律深通回空尙速但得後船銜尾而下自不致如上年遲滯至河口將禦黃壩口門拆展後清水外注高於黃水二尺餘寸高堰誌椿現存水一丈七尺二寸未見消動當此金風司令洪湖漲滿亟須大加宣洩臣前在河口催僱重運渡黃時經督臣面商於禦黃西壩灘面另挑引河以備減洩清水當卽派員趕挑現已一併啟放由禦黃西壩另拆口門外注飭將兩處口門拆寬九十餘丈使清水暢出以資刷滌而高

續行水金鑑卷三章五

運河水十

堰大隄及裏河運口各壩亦免著重現在回空渡黃進口挽行遄速並無停遲至淮安三鋪暫畱宣洩口門已飭堵閉完固惟湖水入運尙旺不得不籌分減以保隄岸現將本年春奏築之狀元墩草閘啟放使減下之水歸白馬湖下注所有裏河揚河揚糧各廳運河隄岸高出水面四五尺不等揚河廳高郵汜水各汛內水汕隄根之處擇要酌鑲防風護埽抵禦無

虞

南河成案續編

是月二十日徐端奏自九月初旬以來天氣晴暖黃河復長水一尺八九寸至二尺不等高堰誌椿存水一丈七尺二寸洪湖水大堰盱大石隄及裏河運口

以內倍形漲滿自裏河運口至淮安一帶運河據報長水三尺二三寸臣在馬港口工次卽飭將清江浦以上之雙孔涵洞淮安以下狀元墩草壩兩處啟放減洩兩岸隄工得以平穩揚河廳西岸竹絡壩亦經啟放洩水入湖惟寶應汛東岸王家莊河身兜灣窄狹上游來水至此一束致形湧漲十四日西風大作湖水湧注午刻東岸隄身陡蟄登時過水該廳營正搶辦竹絡壩裹頭聞信馳往業已搶救不及臣接據稟報由海口工次星夜往勘缺口土隄頂寬一丈八九尺底寬八丈餘尺本屬寬厚是以本年未經估辦何致忽行蟄塌逐細追究於口門河底見有衝起舊

椿且有朽爛柴屑詢問土著老民據稱乾隆初年河底尚深隄根曾有椿木觸船聞康熙年間此地曾衝缺口下埽堵閉閱百年之久河底日益淤高遂無形跡本年清水旺大刷盡河底積淤是以隄底朽埽串水潰決臣悉心察驗尙係實情隄東地本低窪一經過水分溜旁趨口門刷寬二十七丈由廣洋湖至興化鹽城各蕩歸海現在秋收已畢無礙農田惟窪地居民猝遭漫水已飭各地方官查明撫卹不致失所其正河迤下汜水界首一帶已形淺澀當飭淮揚道葉觀潮遊擊陳岱等調集兵夫先將兩頭盤住趕運正雜各料進占攢堵計口門丈尺可以剋期堵閉至

清江淮安河身兩腮歷年黃水倒灌所積淤沙經本年六月後清水淘刷隨溜下至汜水界首地勢平行處停聚致形高仰須趁此抽挑現派各汛弁目趕緊抽挑將口門收束使水勢挽歸正河即可浮送糧船查自清江至王家莊一百五十餘里回空渡黃後儘可挽至寶應暫泊不致停阻現催入境漕船速僱渡黃南下勿任稽延計旬日間口門收窄仍可進行歸次不誤受兌新漕本年五壩堅守不放下河各州縣農田甫慶有秋今節逾寒露黃河堰盱各工方幸鞏固乃運河因漲水湧注致蟄隄過水廳營甚屬疎忽理合參奏請

旨將署揚河通判繆元淳高寶河營守備趙仁革職離任在工効力贖罪該管道將文武各員題參議處臣職司河務未能周防惶悚難名仰懇

天恩交部議處以示懲儆

南河成案續編

是月二十二日松筠奏臣於二十日馳抵寶應廟灣王家莊運河東岸勘得隄身坐蟄衝缺口門寬二十七丈餘尺大溜已掣下游斷流經河臣徐端飭令淮揚道葉觀潮遊擊陳岱集料鳩工迅速堵築據稟決口上下十餘里運河兩岸隄身埽工被水刷塌均須鑲築現在王家莊決口若趕緊合龍恐此堵彼決臣逐段履勘所稟屬實埽段應搶築者極多雖趕緊辦

理非數十日不能竣工現在回空陸續渡黃南下卽宜乘時浮送歸次若待數十日此處各段隄工完竣決口合龍則恐復虞凍阻臣踏勘運河西隄近臨寶應湖湖水平穩帶同遊擊陳岱勘至決口西岸以下南甯地方斷流處開壩引湖水入運當令淮揚道葉觀潮同陳岱會勘由此開壩洶爲由湖入運之路惟決口上游白田鋪西岸臨湖地方可以開壩當委淮安府知府胡克家會勘自白田鋪沿湖至南甯壩口僅八里許回空漕船卽由白田鋪運河入湖至南甯出湖入運爲路無多且安犁拉緯悉如內運河行走可期不誤歸次隨飭興工開壩上下口門堅鑲裹頭

並估挑南甯下至界首河身淤淺各工趕緊僱辦限十日內工竣十月初二日漕船卽可開行臣暫住寶應督辦派遊擊陳安魁由湖路領運並委卽用同知楊護揚糧通判單祿昌往來催僱總期無誤歸次受兌又據該道將稟堵築決口搶修兩岸隄埽各工需料繁多各處料物俱赴雲梯關外馬港口工次售賣此地集料維艱現買湖河各蘆料實有不敷臣當令常鎮道昌德先後趕辦江柴二百垛揚州府江甘二縣趕辦江柴二百垛動項採辦雇備船隻由江經湖運至工次收用以濟要工其決口下游沿隄被水村莊前經揚州府知府嵩年署寶應縣知縣陳玉成查

勘現已捐辦撫卹趕緊安插不致失所至疎防本汛廳營及統轄道將應行查參經河臣徐端於十七日來查大概情形自行參辦因海口鉅工緊要馳回馬港口未及面晤適有民人盧可大鄉約盧洪卿武生盧希程等哭訴九月初十日鄉民等上隄見運河隄根漏洞浸水十一日卽向該管隄工經制劾目趙必高陸榮山說知隄根浸水並不理會僅於十三日在東岸蔣家灣無險處加堰以致十四日開口鄉民等住處當衝家產淨盡屢催趙必高陸榮山劾用稟報廳營置若罔聞又不畱心防範仰求訊究當委揚州府嵩年督同廳縣嚴訊趙必高等雖已供認惟十一

日經盧可大等訴知因何不報廳營情詞尙在支吾似係畏罪不肯吐實如果有心玩誤致開缺口希圖興工漁利河務卽同軍務審明後應按軍法請

旨將該犯卽行正法方昭炯戒容俟審得確情問擬奏

辦南河成案續編

是月二十五日奉

上諭松筠等奏龍王廟灣隄工坐蟄馳往勘辦旋據徐端奏查明該廳營請旨革職並自請交議各摺現在糧艘陸續回空東河水勢充裕行走迅速不日俱達江境今龍王廟灣隄工開寬二十七丈自己掣溜幫船到彼必須停泊守候不能挽運所關匪細徐端有督辦海口

事宜難以兼顧卽著松筠駐札龍王廟灣工次督飭道將僭堵所有應用正雜各料業經徐端飭令購買務卽趕緊進占剋期合龍其下游汜水界首高仰處亦當趁此抽挑俟口門收窄水歸正河卽可浮送幫船不致阻滯方爲妥善廟灣工程著松筠限十日一奏海口工程徐端現已回至該處仍照前諭隔十五日一奏至該處蟄隄過水該管廳營難辭疎防之咎署揚河通判繆元淳高寶營守備趙仁著一併革職仍畱工効力贖罪總河徐端著交部議處所有下游被淹田廬著該督撫派員查勘撫卹毋令失所

南河成
岸續編

是月二十六日徐端奏查本年回空首進在前之船

續行水金鑑卷百五

運河水 五

自入江境後邳宿一帶水旣充裕河口清水暢出隨到隨渡均無停滯截至九月十二日長淮三幫渡黃止共渡過船七幫十三日後無船渡黃在後幫船未報入境臣飛咨山東河臣撫臣速催在後各幫僭挽南下俟後船入境渡黃按十日一次具奏至寶應運河東隄蟄塌河水旁趨臣於十七日馳勘西岸與寶應湖僅隔一隄當令道將等僭堵缺口勘籌回空由湖行走之路據稟缺口迤上白田鋪可以開隄挽船入湖至迤下八里之南窰壩仍歸運河行走臣飭先將汜水河底淤墊先爲趕挑以便開隄引水行船現在督臣親駐督辦無虞遲滯

南河成
案續編

十月初一日奉

上諭松筠奏辦回空漕船暫由湖路浮送並審辦疎防汛弁一摺廟灣隄工漫口現已刷寬其上下隄身被水刷塌應行鑲築之處甚多卽趕緊堵築總須數十日竣工刻下回空糧船陸續南下勢難久待該督旣勘明白田鋪西岸可以由運入湖南窰地方可以出湖入運且計程僅止八里船行可保平穩亦祇可如此辦理松筠業已派員勒限僱辦漕船經由時務令帶領之員慎重行走總期不致冒險而又無誤歸次爲要其漫工處所責令該道將等相機設法堵築被水村莊實力撫卹毋令失所至民人盧可大等控訴効目趙必高陸榮山一

續行水金鑑卷百五

運河水 七

節該處隄根初十日卽有漏水之跡經該民人於十一日告知趙必高等何以並不稟報該管廳營上緊堵塞轉於十三日在東岸不險之處加堰十四日卽有漫口之事著松筠親提嚴審如趙必高等實係有心玩誤希圖興工漁利則情罪甚重卽當問擬斬梟以彰國法而洩衆恨若訊無前項情弊而漫口下游民田廬舍多有損傷其罪亦復不輕著於審明後核實定擬具奏其該管廳營各員業於徐端參奏到日革職畱工効力矣

河南

成案
續編

是月初三日松筠徐端奏寶應廟灣王家莊隄工坐
蟄漫決二十七丈餘尺大溜由缺口東注下游正河

斷流恐誤回空歸次臣松筠督率淮揚道等察勘缺
口上游西岸與寶應湖毘連祇隔一隄中間並無田
廬其迤下八里南窰湖水亦緊靠運河前經奏明開
壩通運並將缺口以下正河淺處先行擇要抽挑該
道將等晝夜僱辦茲於十月初一日臣徐端馳赴會
同照料初三日開送幫船委遊擊陳安魁通判單祿
昌引領照料繞湖八里仍入運河安行並無阻滯查
回空船隻已入江境者十幫先經渡黃者八幫除已
過寶應二幫外餘船指日可出大江徒陽運河經常
鎮道昌德疏濬通暢現報後船脫幫查係東境東昌
一帶未能跟接而十字河間有淤沙淺阻現經山東

河臣撫臣攢挽似可無誤江境中河蓄水盛旺黃水
勢平臣等飭委河庫道徐忻副將汪德照料回空船
隻渡黃南下可期遄歸水次至王家莊口門連日進
占平穩僅存寬十一丈餘尺本可剋期堵閉惟漫口
初開掣溜太急至上下東西兩岸隄埽塌損多至二
千數百丈若不修整遽行堵合恐他處有意外之虞
現飭淮揚道將及署揚河通判方傳穉等估計分投
修築俟兩岸完整卽行僱辦合龍幫船仍歸正河前
進另委候補道裘世璘沿河稽查防護毋致疎虞臣
等目擊船行暢利遴委卽用同知楊護催僱並委淮
安府知府胡克家揚州府知府嵩年節節嚴催臣等

正在奏報適准軍機大臣字寄九月二十五日奉

上諭

前已恭載

欽此仰見我

皇上軫念河漕之至意海口鉅工緊要臣徐端馳回督辦所有下游被淹田廬臣松筠已委知府嵩年督縣撫卹其應納本年錢糧可否緩徵出自

皇上天恩容會同撫臣另疏題報

南河成案續編

是月初十日奉

上諭松筠等奏漕船繞湖入運暢順遄行一摺據稱回空船隻已入江境者十幫現在繞湖行走俱各暢順其王家莊口門連日進占止存寬十一丈餘尺因兩岸多有塌損恐堵合後又有意外之虞暫緩堵閉等語王家

續行水金鑑卷二百五

運河水

六

莊口門止存寬十一丈餘尺原可迅卽堵閉松筠等以該處兩岸隄埽在在塌損多至二千數百丈恐大溜一歸正河慮有意外因令暫時停待是亦不得不然但軍船繞湖行走究非正辦亟須趕緊合龍所有兩岸塌損之處此時應先擇要修築俾口門迅速堵合回空早歸正道餘俟海口工竣後再一律興辦務臻堅實至東境十字河淤淺致回空脫幫已降旨飭令陳鳳翔上緊儻辦矣

南河成案續編

是月二十二日松筠奏臣行抵邵伯接奉

諭旨現在下河州縣雖收穫已竣但民田廬舍遭此淹漫情形自不可問朕心甚爲惻念松筠章煦卽將被水

州縣邨莊委員查勘該處民人有無損傷及田廬被浸若何據實奏聞如應行撫卹卽動帑辦理欽此仰見我皇上視民如傷不使一夫失所之至意此次山盱三壩漫水下注運河以西高寶邵伯臨湖邨莊首先被淹臣欽遵

諭旨已同巡撫章煦督飭藩司史積容查辦臣於十七日渡江經揚州邵伯查勘湖水向由運河出江之鳳凰壁虎等橋各閘壩及人字芒稻閘河流行暢達是湖水出江經由於此其高郵迤南運河東岸車邏壩旣已啟放足資宣洩所有昭關南關兩壩必須堅守以免下河淹浸前聞鳳凰橋先已衝塌吸入鹽船二

續行水金鑑卷二百五

運河水 九

隻未知曾否損傷人口當同鹽政委員捐給銀錢同甘泉縣分別安撫並飭藩司知府督同委員以次確查被水人民欽遵

恩諭酌量動帑撫卹分別應蠲應緩錢糧俟會同巡撫章煦另奏其邵伯運河西隄業經水漫並無緯路已飭常鎮道昌德督同揚糧廳雇西河民船分段排泊緯挽幫船臣於二十日抵寶應廟灣工次察勘口門收至五丈餘尺水勢擡高回空軍船由正河行走頗屬順利現據在工知府胡克家遊擊陳岱通判方傳穉並催船同知楊護等稟廟灣缺口以南正河漸淤特因黃水倒灌至此前有清水頂托濁流勢必淤淺

儻正河淺阻可將軍船由白田鋪繞湖至南窰入運
僂挽不致稽遲臣履勘屬實應如所議辦理再廟灣
口門現已收窄不難剋期堵合詢之工員據稱缺口
上下兩岸應做土埽工段絲長須鑲築穩實後合龍
方保無虞日內洪湖水弱黃流倒灌直至寶應兼之
下游漫水頂托黃水不能暢下若將廟灣缺口堵合
不但日下有此閉彼決之患且恐黃水不能分洩必
致清江一帶運河日漸淤墊來春浮送重運更有妨
礙因飭胡克家陳岱方傳穰等細勘情形俟應堵時
再相機堵閉其僂挽軍船仍責成楊護陳安魁督率
委員照料催行現在回空已係借黃濟運據報河口

續行水金鑑卷二百五

運河水 二十

淺處僅存水二尺六寸恐再消落必致淺阻臣卽查
看河口隨時疏濬以期幫船迅速渡黃過淮南下不
誤歸次至河口黃水倒灌蓋因洪湖水洩所致日前
掣通智字一壩業已堵閉現今河臣徐端奏明遵

旨將仁義兩壩僂辦堵合來春重運渡黃不致有誤河南

成案
續編

是月二十四日松筠徐端奏臣徐端由堰盱前來廟
灣勘工與臣松筠會晤適准軍機大臣字寄十六日
奉

上諭本日據吉綸奏回空幫船截至十月初九日連前
共入東境九十四幫已入臨清閘六十四幫已催出黃

林莊東境二十六幫十字河一帶先經督挖深通幫船無阻日內回空可以全入東境等語回空幫船於東境既無阻滯自必銜尾挽入江南該處前因廟灣隄工坐墊改由寶應西岸白田鋪南窰兩處繞湖入運昨徐端奏因仁義智三壩掣塌口門恐湖水由此入運東隄著險先行堵閉將前此運隄墊口漏夜進占收窄並將下游淤淺疏濬仍令漕船由正河行走令幫船連檣南下清口及廟灣各處是否利運不致淺滯現交冬令若稍耽延轉瞬冰雪互寒必有凍阻之處關係匪淺已降旨令徐端馳回清江督辦各工而回空漕船尤爲緊要著松筠徐端上緊籌催務使隨到隨行迅速歸次不誤開

兌仍將渡黃入運船數遵照前旨十日具奏一次其掣塌三壩各工如何籌辦一併由驛馳奏以慰塵注欽此查黃林莊以下運中兩河日內通暢舟行迅速據報已渡黃船三十九幫在後幫船跟接入境嚴飭委員催僱挽渡可免稽遲凍阻臣徐端遵

旨籌辦堰盱壩工於智字壩堵合後將仁字壩兩頭進埽做有十餘丈旬日間可以堵合其義字壩埽工做有二十餘丈俱辦有頭緒因慮寶應河道軍船行走遲滯隨來廟灣工次察看壩工一時未便合龍其缺口迤下正河間有淤淺亟應變通籌畫俾回空不致稽遲查前開白田鋪西隄令軍船繞湖行走由南窰

入運南行僅止八里適因三壩漫水下注恐湖水漲高灌入運河致東岸隄工著險是以奏明堵閉今正河受淤仍當繞湖行走使南審湖水濟運刷淤於來年浮送重運亦屬有益與臣松筠履勘意見相同已飭工員遵辦臣松筠卽赴清江將河口淺處趕緊疏濬督催僱渡臣徐端亦卽馳回堰盱料理堵壩務期早爲竣事再已過寶應船隻連前共計一十八幫現催南下均可陸續歸次嗣後遵

旨按十日奏報一次

南河成案續編

是月二十七日奉

上諭松筠奏遵旨查辦撫卹並現在湖河水勢及軍船

續行水金鑑卷一百五

運河水三

行走一摺此次山盱三壩漫水下注於運道有礙據稱回空軍船在正河行走儻或淺阻擬仍由白田鋪繞湖行走並稱河口淺處僅存水二尺六寸已前往設法疏濬現在河口一帶借黃濟運此非黃水力能倒灌皆緣三壩過水後湖水全注下游清口水勢衰竭以致引黃入運目前河口淺處祇存二尺六寸再加消落軍船如何浮送卽使回空幸而得濟而湖水瀦蓄既少明年如何敵黃黃水愈灌愈淤重運又如何北上爲今之計惟有一面籌畫僱送回空一面先將壩口掣通之處趕緊堵閉庶湖水得有收束可資刷滌而掣通三壩之中除智壩業已堵合仁壩想亦不難惟義壩口門寬有五十

餘丈洩水尤甚一更爲緊要此時究竟會否儻齊料物會否動工前日徐端奏稱所用柴土須由湖中候風轉運遲速難定究竟此外有無可以就近趕辦料物之處何日可以葺工此時回空行走或仍由正河或仍繞湖路朕亦不爲遙制其河口一帶如何疏滌絳路各處如何牽挽亦惟伊等所爲總須軍船不誤歸次明年重運可來如伊等不早圖維速將義壩堵合致河口疏滌無效絳道漫缺不通貽誤回空阻及重運此則關礙於國計者甚大朕惟執法懲處不但將該督河督禡革治罪所有河工大小各員俱當一律重懲此旨到後著卽將現在回空行走情形及伊等如何趕緊措辦之處迅由五

續行水金鑑卷百五

運河水

三

百里奏聞不許一字諱飾至本日章煦奏山陽安東等縣災務情形除降旨施恩外所有此次被災地方據稱寶應高郵興化東臺鹽城阜寧等州縣均在下游究竟該州縣被災若何有無損傷人口著卽迅速詳查一面安頓撫卹一面將應行蠲緩賑濟之處據實奏聞候朕

卽降恩旨

南河成案續編

是日松筠奏臣在廟灣工次與河臣會催回空軍船於十月二十四日具奏河臣先回堰盱料理壩工臣隨將軍船繞湖挽運事宜督飭胡克家陳岱楊護等妥爲料理卽來清江途次奉

上諭連日總未見松筠奏到三壩過水情形該督自係

現駐江寧辦理武闡伊接到廳州稟報亦應一面奏聞將武闡事宜就近交將軍安康藩司史積容代辦一面馳赴工次著卽迅速前由王家莊運隄漫口處所順道查至堰盱等處現在三壩過水分數究有若干湖水由何處灌運運河受水之處從何處宣洩回空糧船日內如何行走有無阻隔運口清水尙能外注與否三壩下游所淹其若干州縣查明據實由驛速奏松筠卽駐彼籌辦糧船回空事宜並督辦運隄漫工務臻安速欽此
又奉

諭旨洪湖三壩齊開清水旁洩松筠何得視爲無關緊要著卽遵前旨迅速前往查勘一切盡心安速籌辦由

續行水金鑑卷二百五

運河水

三

驛奏聞欽此臣前摺聲敘疎略致煩

睿慮訓諭諄諄益深惶悚伏查嘉慶十年啟放義字壩湖水外注彼時通江之人字芒稻等河淤塞是以下河曾被淹浸十一年前藩司康基田親勘倡議捐修挑濬甚爲通暢此次三壩下注之水由該處河道入江附近民田藉以保護免致浸灌現又啟放車邏壩四十餘丈足資宣洩先行委員撫卹邵伯一帶被水男婦八百餘口沿途查詢臨湖邨莊及車邏壩下游被淹尙不甚重已會同撫臣章煦督飭藩司史積容知府嵩年率各委員逐處確查量加撫卹似可無須卽予賑貸至寶應廟灣運隄缺口迤南正河淤墊百

餘丈存水僅二尺許軍船業已淤淺仍啟放白田鋪繞湖由南窰入運可期妥速臣在清江河口履勘禦黃壩一帶清水不能外注全藉黃水濟運測量水勢淺處空船尙足浮送查本年回空漕船共四千六百餘隻現報已入江境軍船二千一百五十隻河口渡黃船截至二十六日止已過二千九百八十九隻通計此時未經渡黃尙有二千數百隻間遇迎風頂溜日夜僂渡不過四五十隻按期無阻亦須於十二月中旬渡竣氣候漸寒儻風雪凍阻必致遲誤詳加籌勘若僅由禦黃壩一路僂挽不能多渡因飭副將汪德及裏外河兩廳會籌將禦黃壩迤西順清引河土

壩啟放四丈令軍船兩路挽渡該處船行較爲便捷兼有緯道可循軍船多此僂渡計長至前全數渡竣

可免凍阻

南河成案續編

是月二十九日奉

上諭松筠徐端奏會籌催僂回空軍船並辦理壩工一摺回空軍船不可稍有停滯今松筠等以正河受淤仍議繞湖行走伊等旣經履勘以此爲便祇可照所奏辦理目下回空過寶應者纔十八幫著該督等源源催僂無誤歸次至稱南窰地方湖水濟運刷淤來年浮送重運可以有益寶應以南受淤處有湖水入運自可刷滌至現在河口倒灌所有寶應以北至河口益淤之處又

憑何刷滌前日松筠奏河口淺處祇存水二尺餘寸若再消落則淤墊更深回空軍船必須先經河口現在該處淤墊若何松筠等如何疏滌無礙著卽趕緊籌辦仍繪圖呈覽以慰廑注至洪湖壩工蓄清敵黃最爲緊要關鍵現在智壩已堵仁壩亦卽堵合其義壩口門更寬辦理尤要現已趕做二十餘丈著再購辦料物迅速加工剋日堵閉不可延緩

南河成案續編

十一月初二日松筠奏臣接軍機大臣字寄十月二十七日奉

上諭

前已恭載

欽此查本年回空軍船節節濡滯現屆深冬

亟應歸次前因寶應廟灣缺口迤南正河未能通暢

續行水金鑑卷二百五

運河水

三五

恐致停阻仍開白田鋪南窰入運十月二十九日開放後據知府胡克家同知楊護稟運口償挽順利軍船銜尾前進並無停阻又經楊護於口門傍安泊西河船隻以備軍船絞關緯挽更爲妥速是此時由湖繞運可期無誤昨經臣奏明將河口順清引河於初一日開放船行甚暢計禦黃壩於引河兩路渡黃船截至初二日共三百十八隻連前共渡船五十五幫河口多此償挽之路雨水統歸閘壩浮送無虞淺阻臣添派候補道朱涂候補府袁焯等分段嚴催計未經渡黃船僅四十三幫可以早爲渡竣不敢諱飾至渡水旁洩過多祇藉黃水濟運倒灌日久難免淤墊

所幸運河經本年夏秋清水刷滌較深雖尙間有淤處本年空運既可如期歸次則明年重運經臨臣設法僭運總可無誤前經奏明堅守昭關南關等壩以免下河被淹茲據藩司史積容稟查明三壩下注之水全由人字苾稻及廖家溝董家灣四大河暢流出江不致漫淹損傷人口興化東臺河內長水無多並未受淹鹽城阜寧河蕩長水數寸及尺餘不等亦未被淹惟甘泉縣屬鄰近車邏壩下游及高寶臨湖之區被水人民應行撫卹已委妥員攜帶銀兩分投撫卹約計需銀不過數千兩應如何分別蠲緩俟查明會同撫臣章煦據實奏請

續行水金鑑卷二百五

運河水 三

恩施至山盱三壩漫水前飭常鎮道江甘兩縣將應運寶應工次江柴移運山盱以供急需旋晤河臣徐端據云彼處料物易辦毋庸趕運江柴是料物似易僭齊現報仁字壩如天氣晴和三日後可以堵閉義字壩經河臣督率僭堵無難剋期完竣

南河成案續編

是月初三日奉

上諭松筠奏稱此時未經渡黃軍船尙有二千數百隻恐禦黃壩一路不能多渡因將禦黃壩迤西順清引河土壩啟放四丈令軍船兩路行走松筠此舉爲回空僭早起見但軍船渡黃進口尙可分兩路行走迨進口後如三閘等處勢不能兩船並行仍須歸運河一路寧不

慮其擁擠且黃水現已倒灌此時另開一口門是增一
倒灌之路而河水既由新開口門分灌則禦黃壩一路
水勢必弱正口恐又淤墊將來有倒灌之害而無濟運
之益殊爲非計松筠於河務本未熟悉此議何人慫恿
何以不與河臣徐端商辦豈竟係師心自用乎究竟此
處土壩可以暫開與否著與徐端再行熟商稍有窒礙
卽應迅速堵閉勿致久而貽誤至此次被災地方據稱
臨湖邨莊及車邏壩下游均不甚重覽奏幸慰此時雖
無須賑貸其應行分別蠲緩之處著卽會同巡撫章煦
詳查速奏候朕降旨施恩

南河成
案續編

是月初四日徐端奏臣奉

續行水金鑑卷百五

運河水

三

上諭徐端奏僱辦高堰山盱掣塌各工及運河一帶回
空軍船行走一摺其廟灣缺口應否卽日堵閉著徐端
會同松筠酌量不可又似從前平橋三鋪等工堵合後
兩隄上下又有漫溢之事總在伊等相機妥辦朕亦不
爲遙制著將仁義兩壩上緊堵築完固並將掣塌甄石
各工段一律搜護平穩毋再疎虞該河督係獲咎之人
務宜知感知愧勉圖自贖盡心籌辦爲要欽此臣欽遵
恩諭專駐山盱先將智字壩堵閉於本日仁壩收存金
門寬三丈當卽挂纜合龍竭力追壓業已斷流閉氣
仍在趕澆後戩以資穩固惟義壩現尙過水雖口門
較寬自盤築以來兩壩圈越鑲築已做成二十餘丈

尙存口門寬三十餘丈剋期二十日內外一律堵合其堰盱兩廳境內掣塌輒石各工派委文武多員分投搜護至義壩過水由宣洩舊路下注本年高寶諸湖底水較小容納有地高郵各壩內僅啟車邏壩過水有限下河州縣據報間有水淹之處業經督臣撫臣委江寧藩司查勘所有揚糧廳荷花塘要工及揚河廳東岸隄工臣飭常鎮道昌德並淮安府胡克家卽補同知楊護等分督駐防據報揚河廳馬棚灣鐵牛灣攔軍樓等處揚糧廳鰍魚嘴金魏田頭碾子頭六閘長隄無埽處所於十月二十三四等日西北大風湖水湧注東隄著重經該道府廳營州縣協力搶

續行水金鑑卷百五

運河水 五

護鑲埽抵禦現據報二十五六等日已落水五寸各工平穩其實應東隄廟灣缺口前商定緩堵察看口門旣窄溜勢頗激已飭添築二壩以資擊托仍將正河攔截俾免黃流淤墊現在回空漕船由湖行走甚利據報截至十月三十日已僨過船三十幫後船跟接前進遶行無阻河口禦黃壩經督臣駐催船行遶速截至十一月初三日共渡過船二千六百二十八隻在後幫船漕臣親押僨行剋日全入江境現在運中河境內浮送裕如船行迅駛無虞凍阻

南河成案續編

是月初七日奉

上諭本日松筠奏軍船繞湖行走並無停阻及查明下

游未被淹浸義字壩無難剋期堵閉一摺回空軍船由
河口僭挽繞湖入運截至初二日止已渡黃五十五幫
其未渡黃四十三幫經該督添派道府分催自可早爲
渡竣但借黃濟運本非正辦黃水倒灌則運河受淤日
甚所謂開門揖盜愈久愈壞現在禦黃壩正口既引黃
入運而順清引河新啟土壩更增一倒灌口門雖目前
得兩路僭運之益而日後必受兩路淤墊之害該督等
既用此下策則明年重運經臨必須豫爲籌畫計惟將
未渡各幫竭力催僭渡竣趕堵禦黃壩及順清引河土
壩以絕倒灌之路再將運河間段淤阻處一律挑挖深
通庶無誤明年重運北上其義字壩徐端前奏於二十

續行水金鑑卷百五

運河水 三

日內可以堵閉斷流已有旨令其趕早數日現據稱該
處料物易辦該河督尤當上緊僭堵至所稱車邏壩下
游及臨湖被水各區除現查撫卹外如有應行分別蠲

緩卽查明奏請候朕施恩

南河成案續編

十二月十三日大學士慶桂等議覆兩淮鹽政阿克
當阿條奏內挑挖運河一條稱淮揚運河絲亘三百
餘里近年來疊次漫口更加淺阻若不及早挑挖則
運河不能通暢尤恐爲時過促草率葺工旋挖旋淤
終歸無益必於九月內俟各省漕船過竣卽將清江
頭二三壩堵閉築壩斷流上自清江下至瓜洲分段
挑挖務盡十冬臘正四月之力催併完工如此辦理

一二年庶冀一律深通等語臣等查近年來運河淺阻固由於疊次漫口而漫口之故則由於黃水倒灌倒灌之故則由於河底墊高清水頂阻不能不借黃水以濟運以致積淤潰決百病叢生是運河爲受病之地而實非致病之原果使海口修復以後河口淤墊頓除清水得以暢出敵黃並得分流濟運則運口以內新淤不致停畱舊淤並可刷滌卽或道里縣長水力不無漸弱加以人力疏挑自可事半功倍設使河口之淤墊未及疏消清水仍有頂阻自應於喉吻要地籌畫機宜爲控制全局之計若不除倒灌之根而亟亟以挑挖運河爲事恐濁流內漾旋挖旋淤雖一時疏濬深通亦殊無益况黃水自高而下運河之挑挖逾深則倒灌之勢益猛決隄吸溜爲患滋多臣等公同商酌以現在運河之應否大挑當以黃水之是否倒灌爲準應請

旨飭令尙書托津順天府尹初彭齡會同督臣河臣確勘情形奏明核辦其所奏撙節估計將挑河之土築爲隄身後戩不必增高又請派試用候補人員一百二十員分段挑挖又請派道府十員總司稽查並於平餘項下各給飯銀以免藉口賠累是皆大挑運河款內條晰事宜如果定議與挑再將前奏各條一併核議具奏其所奏河員宜常川在工查看一條據稱

山清裏外河同知及揚糧揚河兩通判原係專司河
務之員自應常川往來查看一有罅漏坍塌之處立
卽修補乃該廳員及營汛弁兵漫不經心且以有事
爲榮從中牟利實堪痛恨等語臣等查廳汛官弁職
重防守如果於所管隄岸常川察看遇有罅漏隨卽
修補自不致滋生他患今如該鹽政所奏是該管官
弁竟不以汛防爲事並或希冀生工從中牟利以防
守河工之人轉爲河工之蠹厥罪尤重至若非有公
事輒往清江會集亦屬有干功令均應嚴行查辦果
有前項劣員卽行指名參辦以儆積玩而重要工

成案
續編

